

朝臣奈氏麻呂持留守官所給鈴印詣難波宮以知太政官事從二位鈴鹿王木工頭從五位下小田王兵部卿從四位上大伴宿禰牛養大藏卿從四位下大原真人櫻井大輔正五位上穗積朝臣老五人爲恭仁宮留守治部大輔正五位下紀朝臣清人左京亮外從五位下巨勢朝臣島村二人爲平城宮留守

甲辰幸和泉宮丁未車駕自和泉宮至丙辰幸安曇江遊覽松林百濟王等奏百濟樂詔授無位百濟王女天從四位下從五位上百濟王慈敬從五位下孝忠全福並正五位下戊午取三島路行幸紫香宮太上天皇元正及左大臣橘宿禰諸兄留在難波宮焉

〔續日本紀十六〕天平十七年五月庚申遣造宮輔從四位下秦公嶋麻呂令掃除恭仁宮壬戌車駕還恭仁宮以參議從四位下紀朝臣麻呂爲甲賀宮留守癸亥車駕到恭仁京泉橋于時百姓遙望車駕拜謁道左共稱萬歲是日到恭仁宮甲子遣右大辨從四位下紀朝臣飯麻呂掃除平城宮時諸寺衆僧率淨人童子等爭來會集百姓亦盡出里無居人以時當農要慰勞而還戊辰行幸平城以中宮院爲御在所舊皇后宮爲宮寺也諸司百官各歸本曹乙亥天皇親臨松林倉廩賜陪從人等穀有差原

本有誤字據一本改〔續日本紀二十八〕神護景雲元年四月乙巳幸飽浪宮賜法隆寺奴婢二十七人爵各有差丁未至自飽浪宮

〔續日本紀三十〕神護景雲三年十月己酉車駕幸飽浪宮辛亥進幸由義宮十一月癸酉車駕還宮大和國司守正五位下藤原朝臣家依授正五位上介從五位下多治比真人長野從五位上

〔續日本紀三十三〕寶龜五年八月己丑幸新城宮授別當從五位上藤原朝臣諸姊正五位下外從五位下刑部直虫名外正五位下

〔續日本紀三十八〕延曆三年十月壬申任御裝束司并前後次第司爲幸長岡宮也甲戌賜陪從親王已下五位已上裝束物各有差癸巳以從五位下石川朝臣公足爲主計頭從五位下大伴宿禰永主